





exteriori, ut sunt actus potentie executive dicit nullam esse intrinsecam bonitatem, vel malitiam: in actibus vero a quo modo interioris quamvis in voluntate imperatis non eliciti, ut sunt actus intellectus, vel appetitus sensitivi, aut proprie reperiuntur intrinsecam bonitatem, vel malitiam formalem, quia peccato heresis, prout est in intellectu, inest propria malitia, & similiter in delectatione morosa, prout est in appetitu sensitivo. Suarez verò *sch. v. cit.* censet eodem modo loquendum esse de actibus intellectus, & appetitus sensitivi, ac de aliis quia actus intellectus non habet proprium voluntarium, & liberum; actus autem appetitus licet aliquo modo voluntarius esset, est tamen imperfectus, & non potest tendere in honestum, ut sic; unde si in intellectu, vel appetitu aliquis actus reperitur sine consensu voluntatis propter ignorantiam, vel inculpabilem inadvertentiam, nulla est mala obiectiva; tamen formaliter, & in ratione actus humani non esse malam, nisi prout subest voluntati, & idem ait de delectatione morosa in appetitu sensitivo.

272. Hæc secunda responsio, licet bene admitat paritatem à Medina negatam, ac etiam rectè dicat fidem, vel heresim in intellectu, non esse formaliter bonam, vel malam, nisi prout subest voluntati; adhuc tamen perperam inquit illos actus esse bonos, vel malos, per denominationem tantum extrinsecam ab interiori actu; hinc enim sequeretur huiusmodi actus fidei, vel heresis, loquendo de bonitate, & malitia formali, non esse magis bonos, vel malos, quam sint actus indifferentes; quod de se patet falsum esse; consequentia probatur, quia etiam actus indifferentes, si imperentur ab alio actu interno bono, vel malo, efficiuntur boni, vel mali ab actu imperante per denominationem tantum extrinsecam ab illo: cum ergo in tali casu adhuc actus virtutis, & vitii debeant magis proprie, ac intrinsecè bonitatem, vel malitiam ab actu imperante participare, quam faciant indifferentes, planè si hi tantum per denominationem extrinsecam, bonitatem, vel malitiam formalem participare dicuntur ab actu imperante, illi quidem modo magis intrinsecè eandem participare debebunt. Sed replicat Suarez, quod actus exterior quantumvis ex se bonus videatur, & rationi conformis, si tamen à malo interno actu, vel prava intentione imperetur, non est bonus, quatenus actus humanus est ergo signum est in ratione actus humani solum esse bonum per denominationem extrinsecam ab actu interiori. Contra, quia hæc instantia militat nedum de actibus externis aliarum potentiarum, sed etiam de ipsomet ab ipsa voluntate elicitis; quantumvis enim hi actus sint boni, & rationi conformes, si tamen à malo interno actu imperentur, sed prava intentione vitiantur, & mali evadunt; & tamen hinc inferre non licet, quod tales actus à voluntate immediate eliciti sint boni, vel mali per solam extrinsecam denominationem ab actu imperante; alioquin ergo esse dicere, quod actus exterior in ratione actus humani sit bonus, vel malus per participationem, & dependentiam ab actu interiori voluntatis: aliud verò quod fit talis per denominationem tantum extrinsecam ab illo; primum enim tantum rite inferretur ex instantia facta, non verò secundum, cum quo adhuc fiat, quod actus exterior habeat propriam bonitatem, vel malitiam sibi intrinsecam, licet dependentem ab interiori.

273. Quomodo probatur à Scoto ratio à priori: Bonitas moralis est integritas omnium eorum, quæ secundum rectam rationem operantis debentur actui; & malitia est carentia alicuius eorum; sed alia est integritas actus exteriori, & alia interni, ergo &c. minor probatur, quia actus exteriori sunt subordinati legi, & regulis morum; quibus conformari possunt, vel difformari, sicut interni; ergo habent aliam moralitatem distinctam ab ipsi, sicut unus actus internus ab alio; Quod verò actus sit in sui potentia dominio, vel in dominio alterius potentie, cui subordinatur, nihil refert, quia fat est subesse dominio operantis. Nec obstat, si contentas eodem dictamine externum, & internum dirigi; quia etiam eodem dictamine duo actus interni; vel plures diriguntur, qui tamen habent distinctas moralitates. Conf. quia illa actio potest habere propriam bonitatem, vel malitiam, quæ per se sub præcepto cadere potest sed talis est actio exterior; ergo &c. major patet, quia præceptum supponit aliquam bonitatem, vel malitiam in actu, quod præcipit, vel prohibet; minor probatur, quia ut constat ex Decalogo, uno præcepto prohibetur actus interior, scilicet, non concupiscere proximum; per alterum verò prohibetur actus exterior non solum facies, ergo velle furari, & actu furari sunt actus etiam moraliter diversti, & habentes diversas malitias, ac saltem numero distinctas.

274. Respondent negando maiorem; quod, scilicet, alia sit integritas actus interni, & alia externi; nam idem est dictamen utriusque quando sunt de eodem obiecto; ut cum voluntas vult furari, & imperat potentie executive, ut furum faciat; quia recta ratio, quæ dicitur voluntatem non debere elicere

actum furvi, etiam dicitur voluntatem non debere imperare potentias inferioribus actum furvi, nec potentias inferiores illud debere exequi; ex quo patet eadem esse requisita ad actum interiore, & exteriori secundum rectam rationem. Ad Conf. dicunt nullo illorum præceptorum prohiberi solum actum exteriori, sed in altero prohibetur actus exteriori, ut humanis, & ab interiori procedens: unde simul prohibetur interior illi conjunctus, quia non potest exterior esse malus separatus ab interiori; in alio verò prohibetur solus actus interior, qui potest esse malus separatus ab exteriori; oportuit autem ista præcepta distinguere ob hominum ignorantiam, qui putare poterant interiore voluntatem non esse prohibitam, si non exit in actum exteriori. Faber ad huius solutionis confirmationem nititur ostendere diverso propter esse dictamen, quo dirigitur actus exterior, ab eo quo dirigitur interior, ac proinde diverfam esse conformitatem unius ad rectam rationem à conformitate alterius, non tantum numero, verum etiam specie; Vulpes verò ait, quod licet bonitas, & malitia actus interioris, & exterioris sint ejusdem rationis, & speciei philosophicè in genere moris, quando sunt circa idem obiectum à regula rationis positum, & solo numero distinctæ, adhuc tamen theologice consideratæ distinguuntur specie, si sint actus illi diversis præceptis conformes, vel difformes, quia theologice loquendo actus boni, vel mali, specie distinguuntur in ordine ad distincta præcepta, quibus conformantur vel opponuntur, ut docet Doctor 2. dist. 2. quæst. 2. art. 2. sub. Q.

275. Hæc tamen doctrina nec solida, nec necessaria est; etenim diverstas dictaminum specificæ attenditur penes objecta formalia, de quibus dantur, & circa quæ versantur; unde cum in proposito fit questio de bonitate, vel malitia actus interioris & exterioris, quando circa idem obiectum versantur virtutis, vel vitii, plane dictamen directivum unius nequit esse specie diversum à directivo alterius, neque conformitas ad rationem, vel difformitas unius potest esse diversa à conformitate, vel difformitate alterius. Quia ratio ostenditur falsum quoque esse, quod Vulpes dicebat, quia diverstas præceptorum ad eandem virtutem pertinentium non inducit diverstatem specificam in actibus in genere moris, quia diverstas, quoque præceptorum specificæ attenditur penes objecta formalia, de quibus dantur, & circa quæ versantur, ut dicitur *dist. 5. Met. qu. 13. n. 316. & 217.* quia ratione universaliter ibi dicitur peccata non inter se, specie, vel numero distingui ex diffinitione præceptorum, quibus opponuntur, sed ex diffinitione rectitudinum huius virtutis, vel illius, quibus privant, pro quarum indemnitate lata sunt illa præcepta: ut Doctor docet 2. dist. 37. *Sex hoc patet, & quol. 18.* neque oppositum docuit 2. dist. 6. qu. 2. Sed tantum ibi significat peccatorum diffinitionem potius lumendam esse penes rectitudines actuum, quibus peccata privant, quam habitum, quod utique verum est, quia peccatum est privatio rectitudinis actualis debita in esse, non verò habitualis.

Neque etiam necessaria est doctrina ab his Scotis tradita, quia non conuenit Doctor probare *quol. 18. cit.* actum exteriori addere interiori bonitatem, vel malitiam specie distinctam, sed tantum numero, ut constat ex illis verbis *lit. R.* ubi ait ad propositum questionis sufficere, quod actus interior, & exterior possint habere convenientiam aliam, & aliam numero ad dictamen rationis, esto non sit alia, & alia specie; verum quidem est ibi quoque significat modum; quod possit defendi, quod si alia, & alia convenientia specie actus interioris, & exterioris, quia nimirum alia conditiones, & circumstantie convenire possunt actui exteriori, quæ non conveniunt interiori; nam actus exterior fieri potest nocendo proximo, vel ipsam adiuvando, quod actus interiori non convenit, quia ratione concludit actus illos non esse capaces convenientie omnino ejusdem rationis; sed tandem addit ad propositum questionis sufficere, quod esto habeat convenientiam, vel disconvenientiam ejusdem rationis sit alia, & alia numero; quia ubi est alia, & alia numero conformitas, vel difformitas ad rationem, ibi est diverstas bonitas numero, vel malitia moralis; Quod autem numero multiplicari debeat difformitas, vel conformitas ad rectam rationem in actu interiori, & exteriori, esto idem sit utriusque dictamen, cui conformari debent, inde probatur, quia oportet respectum multiplicari, & diversificari secundum fundamenta, etiam si ad eundem terminum tendant, sive sint respectus reales, sive rationis, & idè in proponendo argumento diximus non obstat, si contentatur eodem dictamine externum, & internum dirigi, quia etiam eodem dictamine duo actus interni, vel plures diriguntur, quia tamen habent diversas moralitates.

Respondent non valere paritatem de duobus actibus internis eodem dictamen directis; & de interiori, & exteriori, quia illi duo actus interni censentur duo actus non tantum in genere naturæ, sed etiam in genere moris, ac actus interior, & exterior,

terior, licet sint physice distincti; tamen exterior comparatur ad interiore, sicut materiale ad formale: & idè in genere moris censentur habere unum esse, quia habent unum voluntarium, unam libertatem, & consequenter unam bonitatem, vel malitiam, unde ita sunt subordinati, ut unum componant, neque exterior habeat rationem actus humani, nisi ut substat interiori. Sed Contra, actus exterior, & interior dicuntur unus actus in genere moris, non unitate simplicitatis, & indivisibilitatis, sed tantum unitate ordinis, ut Scot. notat *quol. 18. cit. T.* quatenus unus per alterum est bonus, vel malus; hinc autem inferre non licet unam, & eandem indivisibilitatem esse utriusque bonitatem, vel malitiam, quorum unum tantum officiar intrinsecè, alterum verò extrinsecè: imò podus oppositum: quia si actus exterior habeat convenientiam ad regulam rationis per actum interiore, sive mediante actu interiori; igitur habeat aliam quam actus interior, quia idem non est causa, nec medium respectu sui ipsius; tum quia non solus actus interior natus est habere convenientiam, vel disconvenientiam propriam ad dictamen rectum, sed etiam actus exterior, cui conformari debet hic actus, & ille, tamen ea, quæ conformantur sunt diversa, & idè habent ex parte sui diversas conformitates, vel convenientias, licet ad idem, vel difformes, quod habent unum voluntarium, & unam libertatem, rite inferretur, quod habeant quoque eandem bonitatem, vel malitiam, quia aliud est libertas in actu, aliud verò moralitas; tum quia ut supra dictum est n. 263. in una, & eadem libertate plures species bonitatis, vel malitiæ fundari possunt, quæ sint in uno actu formaliter, & immediate; in alio verò participativè, & mediatè, ut constat de intentione, & electione, quando medium est eundem.

277. Et ex hæc eadem doctrina relicta quoque solutio ad Confirmationem principalis argumenti, si enim non solus actus interior natus est habere conformitatem, vel difformitatem propriam ad dictamen rectum, sed etiam exterior mediante illo; ergo eodem modo, nempe quatenus illi conjunctus, poterit cadere sub præcepto, & per legem præcipi, vel prohiberi, quatenus in se intrinsecè bonus, vel malus dependenter ab actu interiori, atque idè per illud præceptum negativum non furum facies licet non prohibetur solus actus exterior, ut ab interiori separat, quia sic non est actus humanus, directè tamen, & immediate prohibito cadit supra exteriorem, ut interiori conjunctum, qui se solo, & directè prohibitus fuit per alius præceptum non concupiscere; Confirmatur, quia potuit Deus ita legem ferre, & ordinare, ut magis esset ipsi acceptabilis actus externus cum interno bono, & magis displicens actus externus cum interno malo, quàm solus internus ejusdem omnino intentionis; quo casu utique magis directè, & immediatè caderet præceptum supra actum externum, quia supra internum, & absque dubio peccatum externum superadderet malitiam interno, & actus bonus externus donatum adu bono in sensu, de quo est questio; Cum igitur tandem præcepta decalogi distinctè præcepto prohiberetur actum externum cum interno conjunctum, ab eo, quo prohibetur solum internum, signum est de facto voluisse directè, & immediatè prohibere actum externum cum interno malo conjunctum, utpote magis displicentem quàm solum actum internum, atque idè majorem malitiam superaddentem. Denique si actus exterior nullam addit malitiam super actum internum, postquam semel prohibitus fuit actus interior, opus minime fuisset novo, & distincto præcepto rursus prohibere actum externum interiori conjunctum nam actu interiori, & efficaci posteo, sive sequatur actus exterior, sive non, esset idem, & æquale peccatum; cum ergo rursus prohiberetur distinctè præcepto actus interior cum exteriori conjunctus, dicendum est idè hoc factum esse, quia Deo magis displiceret actus malus interior cum externo conjunctus, quàm sine illo; nec potest magis displicere nisi quæ tali additione, & conjunctione crevit malitia peccati; Dices, magis Deo displicere actum internum malum cum externo conjunctum, non quia novam, & distinctam malitiam secum ferat, sed quia actus furvi exteriori nocentium proximo affert, quod non affert internum; Sed Contra; siquidem ex hoc ipso jam inferretur, quod esset iter novam malitiam interno superadditam, nempe eo ipso, quod affert proximo nocentium; hæc enim est peculiaris disconvenientia ad rectam rationem in actu exteriori, quam non habet internum.

278. Sexto tandem probatur ex communi proverbio Italico, & Hispanico à dicto ad factum est magnum spaium, vel est magnum rraçtus, ergo ceteris paribus, actus externus auget bonitatem, vel malitiam, meritum, & demeritum operantis, adeo ut illante aliqui difficultate operis, & aequali ejus propositione, æquè intènsa, & efficaci voluntione, sola ea data differentia, quod in uno casu sequatur opus externum, in alio verò non; eo quod v. g. uni defuit pecunia, vel persecutor martyrium inflgens, alteri non; uterque non est æqualis omnino meritum apud Deum;

sed majus meritum habet, qui actum internum habuit conjunctum cum externo, quàm qui habuit solum internum, etiam si cum aequali intentione, & efficaci; hæc consequentia probatur, quia si uterque esset æqualis omnino merito, jam à dicto ad factum non esset magnum spaium. Respondet Arriga, quod qui protumprit in actionem externam bonam, vel malam, licet videatur majorem mereri penam, vel præmium; id tamen solum habet apud homines, qui exteriora facta, non actus indicant; apud Deum autem, qui corda scrutatur, solum considerantur actus ipsi voluntatis, à quibus actiones illæ procedunt, quid verò res ipsa secum sit, non perpenditur à Deo; quare proverbium illud vult tantum habere locum apud homines, non apud Deum.

Sed quis non videt doctrinam hæc occasionem præbere negligendi opera bona exteriora, cum totum meritum consistere dicatur in sola interiori voluntate, operaque bona externa nihil bonitatis, vel meriti secum ferre? unde minime opus est Conclonatores populum exhortari ad bona opera factenda pro salute propria, sed solum ad proximi edificationem, internum non penetrant; sed sufficienter exhortari ad habendam promptam, & efficacem voluntatem bene operandi, etiam si voluntas in actu exteriori non prorumpit; tum quia in lege divina, ut vitam consequamur eternam, non tantum precipiuntur actus interni, sed etiam externi, & In Inferno non tantum puniuntur mala voluntates, sed etiam mala facta, ut constat Matth. 25. ergo falsum est à Deo considerari prædis actus ipsos voluntatis, neque à Deo perpendi quid res ipsa exteriori secum sit; quod planè dictum mihi videtur omnino inutilum, & insipiens, nec dicam temerarium, & insuetum, cum potius ubiq; in Scriptura semper nobis inculcentur præsertim opera bona externa Matth. 5. qui fecerit, & docuerit, hic magnus vocabitur in regno Celorum, & c. 7. non omni qui dixerit Domine, Domine intrabit in regnum Celorum, sed qui fecerit voluntatem Patris mei &c. & alibi frequentissimè.

279. Resp. secundò; proverbium illud verificari per accidens, & occasionaliter, quatenus actus externi sæpe sunt occasio, & occasio plus metatur; qui enim patitur martyrium, plus meretur, quàm qui illud etiam efficaciter extorpat, quatenus dum patitur occasionaliter habet novos, & plures, & intensiores actus internos elicendi; & ex hoc capite inquit executionem ipsam rei honeste, valde conducere ad meritum augendum; & in hoc sensu ait intelligendos esse Patres, dum dicunt majores meriti esse actu tolerare tormenta, quàm velle ea tolerare; item dare actu eleemosinam, quam proponere se eam dari: Sed in primis jam diximus supra n. 261. hæc solutio non est augmento intensivo actus interni ex positione externi, non habere locum in omnibus actibus internis, nam ea que sunt ex meta potius tolluntur ab actibus internis intentionem, & sic contingere potest in martyriis quod cum actu tormenta torquet, remittatur potius voluntas efficaciter patiendi, quàm intendatur ex vi tormentorum; ergo proverbium illud fit universaliter verum non tantum explicari debet de augmento intensivo, sed etiam de extensivo, ut universaliter habeat veritatem; unde neque illa explicatio sufficiens est ad intentionem Patrum dicentium majorem esse meriti actu tolerare tormenta, quàm velle ea tolerare; non enim loquuntur de augmento tantum intensivo actus interni ex positione externi per accidens, & occasionaliter orto, sed de augmento extensivo bonitatis, & meriti, quod per se addit actus externus supra internum, ut constat ex verbis Bernardi Ep. 77. superius relatis, & ponderatis n. 268. & in eodem sensu loquuntur, cum dicunt hominem fieri pejorem & miorem ex positione actus mali externi, ut constat ex testimonio August. adducto n. 261. quod adhibe clariss. expressit Gloss. super illud Exod. 20. non machaberis, dum inquit *contra prohibitionem illam volentem in opus producere, idè contra prohibitionem illam faciens plus peccat, unde tandem concludit, qui opus adiciit voluntati, iniquitatem addit iniquitati, ergo actus exterior verè, & proprie, nedum intensivè, & occasionaliter, sed etiam extensivè, & per se addit malitiam actui interiori.*

280. Respondet Salas de illa glossa decreti parum esse curandum, neque rationem ejus alicujus esse momenti; nam licet prohibita sit voluntate malam exequi, tamen non alio præcepto prohibita est executio, & voluntas, sed eodem in substantia, licet propter rudiores tradita sint, quasi distincta præcepta de opere, & voluntate. Verum licenter nimis, ac clato supercilio spernitur in proposito auctoritas glossæ, quæ in aliis materis recipitur; & rationem quam adducit, validam esse satis constat ex dictis n. 277. ubi ostendi illa præcepta, quibus distinctè prohibetur, & actus malus internus, & executio illius, non esse unum præceptum, sed duo; atque idè plus peccare qui ambo simul transgreditur, quam qui unum duntaxat. Et planè hic Auctor præ ceteris nostram deberet amplecti sententiam; nam ubi alii communiter, dicunt bonitatem, vel malitiam actionis humane solum esse intrinsecè in interiori actu voluntatis, in exteriori verò per denominationem tantum extrin-



